

"মিষ্টি বাচ্চারা :- বিকর্ম থেকে বাঁচার জন্য প্রতি মুহূর্তে অশরীরী হওয়ার অভ্যাস করো, এই অভ্যাসই তোমাদের মায়াজীত করবে, তোমরা স্থায়ীভাবে যোগযুক্ত থাকতে পারবে।"

প্রশ্ন :- কোন নিশ্চয়তা মজবুত হলে যোগ ভঙ্গ হয় না ?

উত্তর :- সত্যযুগ আর ত্রেতায় আমরা পবিত্র ছিলাম, এই কলিযুগে পতিত হয়েছি, আবার আমাদের পবিত্র হতে হবে। এই নিশ্চয়তা পোক্ত হলে যোগ ভঙ্গ হবে না। মায়ী কখনো হারাতে পারবে না।

গীত :- যে প্রিয়তমের সঙ্গে আছে .....

ওম্ শান্তি। মিষ্টি - মিষ্টি বাচ্চারা এই গানের অর্থ বুঝে গেছে। ওই বর্ষণের কোনো কথা নয় বা ওই যে সাগর, নদী তারও কথা নয়। ইনি হলেন জ্ঞানের সাগর, তিনি এসেই জ্ঞানের বর্ষণ করেন, তাই অজ্ঞান, অন্ধকার দূর হয়ে যায়। এই কথা কারা বোঝে? যারা নিজেদের ব্রহ্মা কুমার - কুমারী মনে করে। বাচ্চারা জানে যে আমাদের বাবা হলেন শিব, তিনি হলেন আমাদের সব বি.কে.দেব ঠাকুরদা, তাও নিরাকার। তাই তোমরাও নিশ্চয় করো যে আমরা ব্রহ্মাকুমার বা কুমারী, তাই এই কথা ভোলার কোনো ব্যাপারই নেই। সমস্ত বাচ্চারা তাদের প্রিয়তমের সাথে আছে। এই নয় যে কেবল তোমরাই, মুরলী তো সবাই শুনবে। বাচ্চাদের জন্যই এই জ্ঞানের বর্ষণ, যেই জ্ঞানের দ্বারা ই ঘোর অন্ধকারের বিনাশ হয়ে যায়। তোমরা জানো যে আমরা ঘোর অন্ধকারে ছিলাম, এখন আলোর সন্ধান পেয়েছো তাই সব জেনে যাচ্ছো। পরমপিতা পরমাত্মার বায়োগ্রাফি তোমরাই জানো। যারা শিববাবার বায়োগ্রাফি জানে না তারা হাত তোলো। পরমাত্মার জীবন কাহিনী সবাই জানে। তাও এক জন্মের নয়। শিববাবার কত জন্মের বায়োগ্রাফি আছে? তোমরা কি জানো? তোমরা জানো যে শিববাবার এই নাটকে কি পার্ট। তোমরা আদি থেকে অন্ত পর্যন্ত তাঁর বায়োগ্রাফিকে জানো। বরাবর ভক্তিমার্গে যে যেই ভাবনায় ভক্তি করে তাদের ফলও আমাদেরই দিতে হয়। তাঁরা তো কোনো চৈতন্য রূপ নয়, সাক্ষাত্কার আমিই করিয়ে থাকি। তোমরা জানো যে অর্ধেক কল্প ধরে ভক্তি মার্গ চলে। ভক্তিতে মনোকামনা পূরণ হয়েছে, এখন বাবার সন্তান হয়েছো তাই অবশ্যই এই বর্ষা বা সম্পত্তি পাবে। বাবা তাঁর সন্তানদের বর্ষা বা সম্পত্তি দিয়ে থাকেন, এই হলো লাভ। তোমাদের মুখ এখন সন্নতির দিকেই আছে। তোমরা মূল বতন, সুক্ষ্ম বতন বা স্থূল বতনকে জানো। করা এই বৃহৎ নাটকের মুখ্য অভিনেতা। সৃষ্টিকর্তা আর নির্দেশক হলেন রচয়িতা এবং তিনিই সবকিছু করিয়ে থাকেন। নির্দেশও তিনিই দিয়ে থাকেন। তিনি পড়ানও। তিনি বলেন, আমিই তোমাদের রাজযোগ শেখাতে এসেছি। এই কর্মই করতে হবে আর আমি তা করিয়ে থাকি। অর্ধেক কল্প ধরে তোমরা মায়ার বশে থেকে অসত্য কর্তব্য করে এসেছো। এ হলো হার - জিতের খেলা। মায়ীই তোমাদের দিয়ে এই অসত্য কর্তব্য করিয়ে এসেছে। অসত্য কর্তব্য যে করায় তাকে কিভাবে ভগবান বলা যাবে? ভগবান বলেন যে আমি তো একজনই, যিনি সবাইকে সত্য কর্ম করতে শেখাই। এখন সকলের শেষ সময় উপস্থিত। সবাইকে কবর থেকে জাগিয়ে তুলতে হবে। সকলেই কবরে চাপা পড়ে আছে। বাবা এসেই সকলকে জাগিয়ে তোলেন। মৃত্যু সামনে উপস্থিত। শিববাবা এই ব্রহ্মার শরীরের দ্বারা আমাদের সব বোঝাচ্ছেন। তোমরা সবার বায়োগ্রাফি এমনকি শিব বাবার বায়োগ্রাফি জানারও অধিকারী হয়েছো। তাহলে উঁচু হলে, তাই না? যারা প্রচুর শাস্ত্র অধ্যয়ন করেন তাদের

সামনে যারা শাস্ত্র জানে না তারাও মাথা নত করে। তোমাদের মাথা নত করতে হবে না। এ খুবই সহজ কথা। বাচ্চারা জানে যে আমরা মূল বতন, শান্তিধামের অধিবাসী, এরপরে সুখধামে আসবো। এখন আমরা প্রজাপিতা ব্রহ্মাকুমার আর কুমারী। আমরা হলাম শিববাবার নাতি। শিববাবাকে স্মরণ করলে আমরা সুখের বর্ষা বা সম্পত্তি পাবো। তোমরা বাচ্চারা নিশ্চিত যে আমরা পবিত্র ছিলাম, তারপর পতিত হয়েছিলাম, এখন আবার আমাদের পবিত্র হতে হবে। যদি নিশ্চিত না থাকো, তাহলে যোগও হবে না, ভালো পদও পেতে পারবে না। পবিত্র জীবন তো খুবই ভালো। কুমারীদের অনেক মান কারণ তোমরা কুমারীরা এখন অনেক সার্ভিস বা সেবা করে থাকো। এখন তোমরা পবিত্র থাকো আর ভক্তিমার্গে এই পবিত্রতার পূজো হয়ে থাকে। এই দুনিয়া তো খুবই নোংরা, কিচকের গল্প আছে না? মানুষ অনেক খারাপ খারাপ বিচার নিয়ে আসে, তাদের কিচক বলা হয়, তাই বাবা বলেন খুব সাবধানে থাকতে হবে। এই দুনিয়া খুবই নোংরা কাঁটার। তোমাদেরই খুব খুশীতে থাকা উচিত কারণ আমরা শান্তিধামে গিয়ে আবার সুখধামে আসবো। আমরাই এই সুখধামের মালিক ছিলাম তারপর এই চক্র সম্পূর্ণ করেছি। এইকথা নিশ্চিত হওয়া চাই। অশরীরী হওয়ার অভ্যাস করতে হবে। ন হলে মায়া গ্রাস করতে থাকবে, যোগও ভঙ্গ হবে, বিকর্মও বিনাশ হবে না। স্মরণে থাকার জন্য কতো পরিশ্রমের প্রয়োজন। এই স্মরণ থেকেই চির স্বাস্থ্যবান হতে পারবে। অশরীরী হয়ে বাবাকে স্মরণ করতে হবে। আমাদের আত্মাদের পরমপিতা পরমাত্মা পড়াচ্ছেন। কল্প কল্প তিনি পড়ান আর রাজ্য ভাগ্যও দেন। তোমরা যোগবলের দ্বারা নিজের রাজধানী স্থাপন করো। রাজা রাজত্ব করেন আর সেনা রাজ্যের জন্য লড়াই করে থাকে। এখানে তোমরা নিজেদের জন্যই পরিশ্রম করো, বাবার জন্য নয়। আমি তো রাজ্য ভোগ করি না। আমি তোমাদের রাজ্য পাওয়ার যুক্তি বলে থাকি। তোমরা সকলেই বানপ্রস্তু তাই সকলেই মৃত। ছোটো বা বড়র কোনো হিসাবই নেই। এমন ভেবো না যে ছোটো বাচ্চা হলেই তারা বাবার থেকে বর্ষা বা সম্পত্তি পাবে। এই দুনিয়াই থাকবে না যার থেকে তোমরা কিছু পেতে পারো। মানুষ তো ঘোর অন্ধকারে আছে। তাদের খুবই পয়সা রোজগারের ইচ্ছা, তারা ভাবে যে আমাদের পুত্র আর পৌত্ররা থাকে। কিন্তু এই কামনা কারোরই পূরণ হবে না। এই সবই মাটিতে মিশে যাবে। এই দুনিয়াই শেষ হয়ে যাবে। একটা বোম্বাই সব শেষ হয়ে যাবে। কেউই বাঁচবে না। এখন তো সোনা ইত্যাদির খনি সম্পূর্ণ খালি হয়ে গেছে। নতুন দুনিয়ায় এই খনিই আবার ভরপুর হয়ে যাবে। ওই নতুন দুনিয়ায় সব কিছুই নতুন পাওয়া যাবে। এখন এই নাটকের চক্র সম্পূর্ণ হয়ে এসেছে, আবার তা শুরু হবে। আলোর প্রকাশ হয়েছে। গাওয়াও হয় যে জ্ঞান সূর্য প্রকট হয়েছে, অজ্ঞান অন্ধকারের বিনাশ হয়েছে। ওই সূর্যের কথা নয়, মানুষ তো সূর্যকে জলের অর্ঘ্য দিয়ে থাকে। এখন এই সূর্য তো জল অর্থাৎ জ্ঞান সারা দুনিয়ার কাছেই পৌঁছে দেয়। তাঁকে আবার জল দেওয়া হয়, ভক্তি কি আশ্চর্য, মানুষ বলে সূর্য দেবতা নমঃ, চন্দ্র দেবতা নমঃ! তারা কি করে দেবতা হবে? এখানে তো মানুষ অসুর থেকে দেবতা হয়। তাদের দেবতা বলা হয় না। তারা তো সূর্য, চাঁদ বা তারা। সূর্যের ঝাঙাও লাগানো হয়। জাপানে সূর্যবংশী বলা হয়। বাস্তবে সকলেই জ্ঞান সূর্যবংশী। কিন্তু জ্ঞান নেই কারোর, তাই কোথায় ওই সূর্য আর কোথায় এই জ্ঞান সূর্য। এখানে সাইন্সের সমস্ত আবিষ্কার হয়, তারপর তার ফল কি হয়। কিছুই নেই। বিনাশ এই হলো বলে। যারা সচেতন তারা জানে যে এই সাইন্সের দ্বারাই মানুষ নিজেদের বিনাশ করে। দুনিয়ার মানুষের হলো সাইন্স আর তোমাদের হলো সাইন্স। দুনিয়ার মানুষ সাইন্সের দ্বারা বিনাশ করে আর তোমরা সাইন্সের দ্বারা স্বর্গের স্থাপনা করো। এখন তো নরকে সকলের নৌকাই ডুবে আছে। দুনিয়ার মানুষের ওই সেনা আর তোমাদের হলো যোগবলের সেনা। তোমরাই উদ্ধার করে থাকো। তোমাদের উপর কতো দায়িত্ব, তাই সম্পূর্ণ সাহায্যকারী হতে হবে। এই পুরোনো দুনিয়া শেষ

হয়ে যাবে । এখন তোমরা এই নাটককে বুঝে গেছো । এখন হলো সঙ্গমের সময় । বাবা তোমাদের নৌকা পার করতে এসেছেন । তোমরা জানো যে, রাজধানী সম্পূর্ণ স্থাপন হয়ে যাবে, তারপর বিনাশ হবে । মাঝে মাঝে রিহাসাল হতে থাকবে । লড়াই তো অনেক হবে । এ হলো ছি ছি দুনিয়া, তোমরা জানো যে বাবা আমাদের ফুলের দুনিয়ায় নিয়ে যাবেন । এই পুরোনো শরীররূপী বস্ত্র ছাড়তে হবে । আবার নতুন শরীর রূপী বস্ত্র ধারণ করতে হবে । এ তো বাবাই গ্যারেন্টি করেন যে আমিই সকলকে কল্পে কল্পে নিতে আসি, তাই আমার নাম কালের কাল মহাকাল রাখা হয়েছে । আমাকে পতিত - পাবন বা দয়ালুও বলা হয় ।

তোমরা জানো যে আমরা বাবার শ্রীমতে চলে স্বর্গে যাওয়ার পুরুষার্থ করছি । বাবা বলেন যে, আমাকে স্মরণ করলে আমি তোমাকে স্বর্গে পাঠিয়ে দেবো, এর সাথে সাথে শরীর নির্বাহও করতে হবে । কর্ম ছাড়া তো কেউই থাকতে পারে না । কর্মের সন্ধ্যাস তো হয় না । স্নান ইত্যাদি করাও এক ধরনের কর্ম । পরের দিকে সবাই এই জ্ঞান সম্পূর্ণ নেবে, তারা বুঝবে যে এই যে বলে শিববাবা পড়ান, এ সম্পূর্ণ ঠিক, নিরাকার ভগবান উবাচঃ -- তিনি তো একজনই, তাই বাবা বলেন, নিরাকার শিবের সঙ্গে তোমাদের কি সম্বন্ধ ? সবাই যদি ভাই - ভাই হয়, তাহলে সেই ভাইয়ের বাবা তো হবেনই । না হলে কোথা থেকে তোমরা আসবে ? এই গানও গাওয়া হয় যে, তুমিই মাতা - পিতা .....। এ হলো বাবার মহিমা, বাবা বলেন যে আমিই তোমাদের শেখাই । তোমরাই আবার এই বিশ্বের মালিক হও । এখানে বসেই শিব বাবাকে স্মরণ করতে হবে । এই চোখ দিয়ে তোমরা শরীর কে দেখো, কিন্তু বুদ্ধি দিয়ে জানো যে আমাদের শিব বাবা পড়ান । যারা বাবার সাথে থাকে, তাদের জন্যই এই রাজযোগ আর জ্ঞানের বর্ষা । পতিত মানুষদের পবিত্র করা - এ হলো বাবারই কাজ । এই জ্ঞান সাগর হলেন তিনি, তোমরা জানো যে আমরা শিব বাবার পৌত্র এবং ব্রহ্মার সন্তান । ব্রহ্মার বাবা হলেন শিব, বর্ষা বা সম্পত্তি শিব বাবার থেকেই পাওয়া যায় । তাঁকেই স্মরণ করতে হবে । এখন আমাদের বিষ্ণুপুরীতে যেতে হবে । এখান থেকে তোমাদের লঙ্গরও উঠে গেছে । কেবল শূদ্রদের নৌকা দাঁড়িয়ে আছে । তোমাদের নৌকা এগিয়ে চলছে । এখন তোমরা প্রথমে সোজা ঘরে যাবে । পুরোনো শরীর রূপী এই বস্ত্র ত্যাগ করে যেতে হবে । এখন এই নাটক সম্পূর্ণ হয়ে এসেছে, তাই এই শরীর রূপী বস্ত্র পরিত্যাগ করে ঘরে যেতে হবে । আচ্ছা -

মিষ্টি মিষ্টি সিকিলধে ( হারানিধি ) বাচ্চাদের প্রতি মাতা - পিতা , বাপদাদার স্মরণ, ভালোবাসা এবং সুপ্রভাত । রুহানি বাবার রুহানি বাচ্চাদের নমস্কার ।

ধারণার জন্য মুখ্য সার :-

১) কোনো অসৎ কর্ম করবে না, মৃত্যু সামনে উপস্থিত - এ হলো শেষের সময়, তাই সকলকে কবর থেকে জেগে উঠতে হবে । পবিত্র হওয়ার এবং অন্যকে পবিত্র করার সেবা করতে হবে ।

২) এই ছি - ছি দুনিয়ায় কোনো রকম কামনা রাখবে না । সকলের দুর্বল নৌকাকে উদ্ধার করার জন্য বাবার সম্পূর্ণ সাহায্যকারী হতে হবে ।

বরদান :- ব্রাহ্মণ জীবনে সর্বদা সুখ দিয়ে আর নিয়ে অতীন্দ্রিয় সুখের অধিকারী হও ।

যে অতীন্দ্রিয় সুখের অধিকারী, সে সৰ্বদা বাবার সাথে সুখের দোলায় দুলতে থাকে । তার কখনোই এমন সংকল্প আসে না যে অমুকে আমাকে এত দুঃখ দিয়েছে । তার প্রতিজ্ঞা থাকে , না আমি দুঃখ দেবো আর না নেবো । যদি কেউ জোর করেও দুঃখ দেয়, তাহলে তারা ধারণও করে না । ব্রাহ্মণ আত্মা অর্থাৎ সদা সুখী । ব্রাহ্মণদের কাজই হলো- সুখ দেওয়া আর নেওয়া । তারা সৰ্বদা সুখময় সংসারে থাকা সুখ স্বরূপ আত্মা হবে ।

শ্লোগান :- নম্র হও তাহলেই লোকে প্রণাম জানিয়ে সহযোগ দেবে ।